



Yumi stap namel long ileksen nau. Planti bilong ol 878 kendidet i hanga-mapim ol pepa wantaim poto na toktok bilong ol nabaut long ol tri na banis na stua na haus. Yes, i gat planti tumas na man i lukim na i ritim, het bilong em na ai bilong em i raun. Tasol em i pasin bilong ileksen.

Na dispela taim tu planti kendidet i holim wangepela bikmaus o lautspika olsem man long poto long lephan. Dispela samting i ran long bateri olsem redio bilong yu, na em inap krai strong moa na toktok bilong kendidet i ken pairap long ol yau i stap longwe moa.

Sampela nupela pes long Komonwelt kibung

wantok
 Papua New Guineans' own national weekly in Melanesian Pidgin

Editorial Office:
 Box 1982
 Boroko
 Phone : 25.2214
 Telex : NE 22213

Branch Offices:

Box 396
 Wewak
 Phone: 86.2479

Box 90
 Rabaul
 Phone: 92.1355

Box 111
 Wabag

Australian Advertising Representative:
 Kevin Engel
 8 Duraba Pl.
 Caringbah (2229)
 Phone: 525.6263

Subscription rate:
 Annual: K8.00



AUSTRALIA
 Malcolm Fraser



BANGLADESH
 Ziaur Rahman



BRITAIN
 James Callaghan



BARBADOS
 Tom Adams



INDIA
 Morarji Desai



MALAYSIA
 Datuk Hussein Bin Onn



NIGERIA
 Olusegun Obasanjo



NEW ZEALAND
 Robert Muldoon



SWAZILAND
 Maphevu Harry Dlamini



PAPUA NEW GUINEA
 Michael Somare



WESTERN SAMOA
 Taisi Tupuola Tufuga E

Long miting bilong ol kantri bilong komonwelt long London stat long 8 Jun i go inap 16, ol i wet-im samting olsem 30 lida bilong ol kantri bipo i stap aninit long Englan. I tru i gat 36, tasol sampela i no inap kam. Na insait long ol dispela kantri i gat 100,000,000 pipel.

Dispela em i namba 21 miting bilong ol komonwelt kantri; em i bin stat long 1944.

Ol bai paitim tok long planti wari i stap namel long ol. Wanpela memba bilong ol, em Idi Amin i givim bikpela wari tru long ol, long wanem em i bin kilim i dai planti tausen pipel bilong em. Ol i wari tu long tabel i stap namel long ol blaksin na waitskin

EDITA BILONG WANTOK NIUSPEPA BILONG BIPO, INDAI NAU LONG AUSTRALIA

Pater Raymond Cashmere, S.V.D., em i bin wok olsem edita bilong WANTOK niuspepa inap 6 mun long yia 1974, em i dai pinis long 9 Jun 1977 long wanpela haus sik long Australia. Pater i gat 42 krismas tasol.

Em i no gat bikpela sik samting. Tasol em i go long haus sik na ol i katim bel bilong em long rausim wanpela sik. Em i orait pinis na i wok long kisim bek strong, tasol wanpela samting i pasim rop bilong blut bilong em na em i dai.

Pater Cashmere i kamap long Papua Niugini long yia 1956. Em i bilong Australia. Longtaim liklik em i wok long Yangoru long Is Sepik Provins. Bihain em i wok long semineri long Kairiru Ailan; na bihain gen long Passam, we gavman nau i laik wokim wanpela bikpela haiskul.

Long 1976 em i go bek long Australia na em i bosim wanpela bikpela haus bilong misin long ples Marburg klostu long Brisbane.

Poto long raithan i soim Pater Cashmere taim em i sindaun long desk bilong edita bilong Wantok long ofis long Wewak long yia 1974.





HUSAT I MAS KISIM PRAIS ?

Mi tingim nau draipela amamas mi save givim mama na papa bilong mi sapos mi bin mekim wanpela samting olsem givim sampela kaikai bilong mi long narapela pikinini. Olgeta taim mi save kisim gutpela tok amamas long ol kandere, sapos mi bin mekim wanpela gutpela hap toktok.

Long ol skul bilong yumi nau planti tisa i wok long askim sampela kwesten. Bai yumi givim prais long ol sumatin o nogat? Sapos yumi givim prais long pinis bilong olgeta skul yia, bai yumi givim long wanem kain sumatin? Dispela i gat planti save? O, dispela i wok hat na mekim ol narapela sumatin long skul i amamas?

Larim wanem tingting ol mansave i laik givim.

Long tingting bilong mi, yumi mas givim bikpela na nambawan prais tru long ol dispela sumatin i wok hat na mekim ol arapela i amamas.

Bilong wanem? Dispela i no mekim ol yangpela i resis. Wanpela i no daunim narapela. Nogat. Ol i trai hat tru long kamap nambawan long gutpela pasin tasol Tu dispela i helpim tingting long no kisim moa moa samting bilong wan wan yet. I givim tu gutpela trening bilong lida.

Ol yangpela bai lainim dispela pasin long tingting long ol arapela man pastaim. I kranki tingting? Ating.

Tasol nau ol bikman bilong kantri i krai long gutpela sitisen o gutpela manmeri bilong ples. Yu ting dispela liklik kranki pasin bilong mekim amamas ol sumatin i wok hat na helpim ol narapela, i gutpela?

Mi ting inap long givim sampela halivim. Traim, yupela ol tisa. Sori mipela i lukim.

Kumalau Tawali

Ol Irian Jaya kalapim mak

Long mun Me 203 man na meri na pikinini bilong Irian Jaya - em narapela hap bilong Papua Niugini - i bin lusim tupela ples Po na Rambu long hap bilong ol, na i bin wokabaut inap 12-pela de na i kamap long hap bilong Papua Niugini.

Ol i bin kamap long Suki Misin stesin long Westen Provins. Gavman bilong yumi i bin pasim ol, na tambuim ol arapela man long lukim ol.

Bihain Mista Tom Unwin bilong Yunaitet Nesens Ofis long Port Moresby, i bin kisim tok orait long Prais Minista Michael Somare na em i bin go lukim ol. Em i stori olsem: Taim mipela i kamap, tripela kiap na wanpela helt inspekta na 12-pela plisman i bungim mipela. Ol kam man bilong Irian Jaya i sindaun long sampela haus kunai. I gat 5-pela bilong ol i olsem tokman. Mi toktok wantaim ol wantaim tanim tok. Ol i belgut long mipela.

Ol i tok olsem: long ileksen mipela i bin votim Oposisen Pati - em pati i laik kisim independens long Indonesia. Bihain ol ofisa bilong gavman na plisman i bin painimaut na

ol i kam mekim save long ples bilong mipela. Mipela i kisim ol samting bilong mipela na ranawe i kam.

Mista Unwin i tok, i gat wanpela lo long Yunaitet Nesens i tok, sapos sampela pipel i ranawe long gavman bilong kantri bilong ol bikos ol i pret bai ol i kalabus o dai bikos ol i bin autim tingting bilong ol. Ol dispela kain man i no bin mekim wanpela rong, na narapela kantri i ken orait long ol i kam na sindaun i stap. Mista Unwin i tok, ol dispela kam man bilong Irian Jaya ol i pret tru long go bek.

Bipo long sampela wik i gat kros namel long gavman bilong PNG na ol niusman, long wanem gavman i bin pasim rot na tambuim ol niusman bilong go insait kisim ol stori bilong dispela ol kam man.

Bihain gen wanpela grup bilong 60 manmeri na

narapela bilong 46 pipel i kam insait, na nau ol i stap long ples Seram klostu long Bewani long Wes Sepik. Sir Maori Kiki, em man i bosim dipatmen bilong gavman i wari long ol dispela samting, em i tok, yumi Papua Niugini bai i no ken rausim ol. Tasol mipela i mas askim ol long go bek - sapos ol i laik. Mipela i tambu tasol long wanpela politikal lain i ken stap long graun bilong mipela na i kirapim pait na tok kros wantaim gavman bilong Indonesia. I no ken.

PNG i bin askim gavman bilong Indonesia long i no ken mekim save long ol man i bin ranawe na i kam bek pinis. Na tu PNG i laik save, sapos i ken, wanem as bilong ol dispela trabel long arasait bilong mak bilong PNG. Sampela taim bipo tok i bin kam long wanpela pait namel long ol pipel long Baliem Valley long Hailans bilong Irian Jaya.

Sampela pipel bilong Irian Jaya i kamap sitisen bilong Papua Niugini na i kisim setifiket long han bilong Sir Maori Kiki.



PAS I KAM LONG OL PIPEL

MAN BILONG BIKBUS PAPUA I RAIT

Dia Edita - Bilong wanem ol Patrol Ofisa i no i kam antap long Wara Kapau long taim bilong votim bikman long provins bilong mipela. Ol i les long i kam antap na askim mipela long votim hetman bilong mipela.

Taim bilong votim hetman mipela i harim long redio na mipela i wet long Patrol Ofisa. Na ol i no kamap long ples bilong mipela. Nogat tru. Ol i raun long nambis tasol na long antap long hetwara tasol. Na long namel hia i no gat wanpela patrol ofisa i lukluk raun long ples bilong mipela.

Pipel i stap namel hia long Kapau wara, mipela i planti lain tru. Mipela i no votim wanpela hetman bilong mipela long Galp Provins. Hia namba bilong ol pipel i olsem wan handet o olsem moa.

Olsem na mipela i wari planti bikos mipela i ting olsem mipela i no kisim Independens o olsem wanem. Olsem na mipela i wari tumas tu long dispela ileksen. Bilong wanem mipela i wari tru? Bikos dispela ileksen i bikpela samting long kantri bilong yumi Papua Niugini.

O yupela man bilong raitim Wantok Niuspepa i ting wanem? Ilekse i bikpela samting o nogat. Mi ting olsem ileksen em i samting i gutpela. Em tasol wari bilong mipela ol pipel i stap namel long Wara Kapau na Taole.

Raphael Tiawenaga,
Putei/Galp Provins.

ROT I GO KRUNGUT NAU

Dia Edita - Mi wanpela long ol man i save baim na ritim Wantok. Planti taim mi save amamas long ritim leta i kam long ol bratasusa long autim wari na tingting bilong ol insait long Wantok.

Mi gat amamas long dispela progrem na givim mi sens long autim sampela tingting na hevi long autim long ol rida. Pipel bilong dispela kantri ol i kristen.

Olsem tasol Papua Niugini i kamap kristen kantri long ol wok bilong Krai long sampela tumbuna na ol papa i kam inap tude.

Nau yumi redi na stretim rot bilong bikpela? Ol brata, mi mekim klia olsem, save i wok long kamap strong na mekim planti yangpela manmeri i lusim tingting long bihainim Krai. Pasin haiden i wok long karamapim kwik tumas kantri bilong yumi.

Kilim man, pulim meri, raskel long stil, mekim pasin pamuk, sem long lotu, giamanim ol arapela brata na tok baksait. Sori tru, ol lain i kam bihain ol bai i no kamap long lait. Kantri bilong yumi i gat nem i no gat doti long en. Yumi mas wok bung wantaim long pasin bilong Krai na kamapim Papua Niugini i kamap kristen kantri.

Mathew Manaies,
Kimbe/W.N.B.P.

KATEKIS I NO WOK MANI

Dia Edita - Nau mi laik yupela i prinim dispela wari bilong mi long Wantok Niuspepa na mi ken lukim na ol wanwok bilong mi tu ol i ken lukim.

Yes ol wantok na wanwok. Nau mi laik autim liklik mauswara bilong mi i go long yupela olgeta katekis long hap bilong yumi Papua Niugini. O yes, ol wanwok, mi save harim planti katekis i laik lusim wok katekis na i laik painim gutpela sindaun na hepi hia long graun na i laik mekim bisnis bilong kisim bikpela mani.

Olsem yumi save krai long pater na bisop, nating as tingting i stap long yumi yet. Olsem yumi i ken askim yumi yet. Bilong wanem mi kamap katekis? Mi kamap katekis long kisim mani, o mi kamap katekis long bilip? Taim yumi go long skul Baibel long tupela yia o wan yia bisp

DE NAMBA SEVEN

Dia Edita - Mi laik stretim toktok bilong brata ya Elizabeth S. Maima bilong Kundiawa long pas bilong em i bin kamap long Wantok long 14 Me, namba 170.

Em i tok, Sarere em i de bilong lotu na Sande i no gat. Wantok, ating yu giamanim planti man long dispela pas bilong yu.

Long wanem, baibel i tok God Papa i wok 6-pela de na malolo long namba seven de. Mipela i save olsem Sarere em namba sikis de tasol na i no namba seven de. Stat long Mande yu kaunim em bai Sarere em i de 6 tasol, na Baibel i tok God em i malolo long de namba seven em i de Sande.

Em i tok em i ritim buk Baibel long Jenesis inap Revelesen. Mi laik save, wanem hap bilong buk baibel, wanem sapta na wanem ves i makim de sikis em Sarere olsem yu tok bilong Malolo. Ating nogat, yu giaman tasol. Mipela olgeta i save olsem

Sande em i de namba seven, de bilong malolo.

Em tasol mi amamas long ritim pas bilong wanem man i bekim tok bilong mi o skruim maus bilong mi i go long ol arapela rida bilong Wantok Niuspepa.

Wendelin D. Mangu,
Bogia/Madang.

SALIM OL
PAS I KAM
LONG:

WANTOK
BOX 1982
BROKO

HUSAT MAS

KARIM BAKET ?

Dia Edita - Nau mi laik autim wari bilong mi. Mi bin stap long Rabaul inap long 3 yia na mi stap wantaim brata bilong mi.

Taim mi bin stap mi wok long Rabaul Taun Kaunsi, mi amamas tru long wanem mipela i bin wok bung tru. Tasol long yia 1976 mi pilim olsem Taun Kaunsi i senis.

Mi pilim olsem ol Tolai tasol ol i stat long kam kisim wok long Rabaul Taun Kaunsi. Mi laik askim olsem.

1. Olsem wanem ol Tolai tasol ol i gat save? 2. Em i wanem? I bisnis o gavman? Mi ting bikman bilong Taun Kaunsi i wantok sistem.

Sapos i olsem maski autim olgeta Niugini i wok long ofis na long strit long pipia na karim baket pekpek.

Mi laikim ol Tolai i kam na mekim ol dispela wok. Maski long ran tasol long ofis. Em i klinpela wok.

Kam na brumim pipia long rot na karim dram pekpek.

Em tasol wari bilong mi. Nau mi stap long Wewak, ol i rausim mi long taun kaunsi long Rabaul. Em tasol.

S. Sopa,
Wewak.

PLENING BILONG

FAMILI O BILONG WANEM ?

Dia Edita - Mi wanpela seketeri bilong Narer Komuniti Skul long Karkar Ailan. Tasol mi laik bekim pas bilong wantok hia Lukas Sakul bilong Wewak. Em i bin tok long Famili Pening wari.

Na em i tok long ol meri i save kisim ol pren man bilong ol na save raun long laik bilong ol, long tair man bilong ol tru i save i go long kisim kos o patrol long sampela provins o kantri.

Yes, wantok, dispela em i tru. Mi tu mi lukim planti tru long meri i gat save na meri i no gat save tu. Mi lukim insait long taun na long long autstesis tu. Yes, mi ting em i gutpela rot bilong ol Famili Pening i save soim yumi. Long wanem, i gat planti ailan insait long kantri bilong yumi. Na ol i gat manmeri tasol. Nogut planti manmeri i kamap na no gat graun bilong kamapim o, kaikai i kamap bilong helpim ol.

Olsem na ol yangpela meri na ol maritmeri ol i save raun nahaut wantaim ol pren ol pren man bilong ol na pinisim laik bilong ol. Mi ting ol i no gat save na tingting long was gut long famili bilong ol yet. Na tu i no gat save long oda bilong sios o rait bilong Buk Baibel. Mi save olsem i no gat wanpela haiden ples i stap insait long kantri bilong yumi. Yumi olgeta kristen manmeri tasol.

Na tu lo bilong gavman yumi save gut tru. I no gat wanpela i longlong man o meri. Tasol em i rabis pasin na pasin bilong semim em yet o long famili bilong em. Ol i save wokim. Na em tasol tingting bilong mi. Sapos yu husat i lukim na i no gutpela long save bilong yu, orait, yu ken bekim long WANTOK.

P.S.K. John Panu,
Karkar Ailan/Madang.



BIKPELA MERI GIVIM BIKPELA TOKTOK

Misis Therese Julve, president bilong kaunsil bilong ol meri long Port Moresby na tu em i wanpela komyuniti developmen ofisa bilong Port Moresby Siti Kaunsil, em i givim dispela toktok long ol mama bilong Engliken Sios long kibung bilong ol meri.

Pastaim em i toktok long wok na as tingting bilong Kaunsil bilong ol meri. I gat tupela bikpela wok bilong ol meri. Pastaim ol meri yet i mas bung wantaim. Ol meri bilong wanpela ples o provins i mas stap moa long ol meri bilong narapela provins - na long ol pasin bilong ol.

Orait, bihain ol meri yet i kamap wanlain na wantingting, ol inap autim tok na ting bilong ol long gavman na ol i ken mekim ol bikpela man i ken harim tu ol wari na tingting bilong ol.

NO PAIT WANTAIM OL MAN

Wok bilong yumi ol meri i no long resis wantaim ol man, o pait wantaim ol. Nogat. Yumi no laik rausim ol pawa long han bilong ol man. Nogat. Yumi meri i mas pilim pastaim yumi no samting nating, yumi samting tru. Ol man i wetim yumi mekim samting tru. Tasol yumi mas senisim planti tingting bilong bipo.

NO PAIT WANTAIM GAVMAN

Yumi ol meri i no laik pait wantaim gavman na bruklusim gavman. Na sapos gavman i laikim helpim yumi yumi no ken sem. Yumi mas orait long dispela help-

dispela helpim inap long taim yumi yet inap long winim mani na baim ol ofisa na wokman bilong kaunsil bilong yumi.

AMAMAS LONG YUMI YET

Yumi meri i longlong. Yumi oltaim tok kros nating long ol man na pasin bilong ol. Na tu yumi no laik oltaim ol man i daun-

wetim helpim bilong gavman tasol. Yumi no mas wetim ol arapela man i helpim yumi pastaim. Maski. Yumi yet i go het.

Yumi ol meri bilong Papua Niugini yumi mas bihainim eksampel bilong dispela wanpela meri long gavman, em Mis Josephine

im yumi. Yumi oltaim i tok, ol man i mas senisim tingting.



Poto long lephan i soim Misis Therese Julve olsem ofisa bilong Port Moresby Siti Kaunsil.

Long raithan Joyce Whitlan na Eva Ani bilong Air Niugini go long Australia wantaim dispela helikopta bilong ol.

Maski long ol man i senisim tingting. Yumi yet i mas senisim tingting. Yumi yet i birua bilong yumi. Yumi ol meri i save pait pait na kros long ol liklik samting. Planti liklik samting nating i save skrapim bel bilong yumi. Isi tumas yumi save ting baksait tumas long narapela narapela; yumi jeles. Olsem na em i hatwok long yumi meri i bung wantaim. Yumi yet birua bilong yumi.

Wan hap bilong olgeta pipel bilong PNG i yumi meri tasol. Yes, yumi gat strong - sapos yumi wan, sapos yumi wantingting na wanbel.

YUMI YET GO HET

Yumi meri mas wok wantaim. Yumi yet i mas go het. Yumi no ken wetim ol man. Yumi no ken

paiawut, na bilong sindaun long gutpela haus, na long wokim gutpela gaden. Ol meri em ol pipel bilong wari. Nogut ol meri i lusim ples, i kam sindaun nating long taun na i lusim dis-

pela pasin na i bihainim pasin tasol bilong ol waitpela misis.

Yumi meri Papua Niugini yumi winim ol meri long planti nupela kantri.



Abajjah. Em i no pret; em i no wetim arapela; em i no les. Em yet i tokaut.

Long bikpela 8-pela poin program bilong gavman, namba 7 poin em i bilong givim namba long ol meri. Yumi ol meri i mas mekim poin namba seven bilong gavman em i poin namba wan bilong yumi.

MAS STATIM WANPELA WOK

Sapos yumi meri laik mekim wanpela samting tru, orait, nau yumi yet - na grup bilong yupela - i mas kirapim wanpela spesel wok long taun bilong yumi. Yumi mas tingting long dispela taun o dispela kantri.

Pasin bilong ol meri i stap long ples, ol yet i save wari long kaikai bilong famili bilong ol, na bilong

SINGER

* A Trademark of The Singer Company

PREN BILONG YU INAP OLTAIM

Bikpela resis bilong rait kamap

Stat long 1 Me i go inap 31 Julai 1977 i gat tri-pela resis bilong rait insait long Dipatmen bilong Edukesen. Sampela rait i long tok Inglis na sampela i long tok Pisin. Aninit mipela i raitim hia program na nem bilong rait long tok Inglis na tok Pisin.



OL LO BILONG RESIS

1. *Ol sitisen bilong PNG tasol inap insait long resis.*
2. *Ol i mas rait o prin long wanpela sait bilong ol pepa we ol i raitim stori bilong ol.*
3. *Nem bilong stori i mas stap antap long namba wan pes bilong stori*
4. *Nem bilong manmeri i raitim i NO ken stap long pepa bilong stori. I tambu.*
5. *Nem bilong manmeri i raitim stori i mas stap long tiket bilong go insait long resis. Yu ken kisim long:*
Literature Bureau, long Distrik Edukesen Ofisa, na long hetmasta bilong skul.
6. *Bihainim tok ples bilong resis: Inglis, Pisin o Motu.*
7. *I tambu long salim wanpela stori i kam sapos bipo em i bin stap pinis insait long wanpela kain resis.*
8. *I tambu long tisa o papamama i raitim stori na helpim sumatin long*

POETRY COMPETITION

Section One: (Poems in English from indigenous poets, secondary students and adults who have completed form four or above.)

Prais 1 = K50 (Peter Beckett Prais)
Prais 2 = K20
Prais 3 = K10

Section Two: (Poem in English by High School students)

Prais 1 = K30
Prais 2 = K25
Prais 3 = K10

Section Three: (Poems by Primary students and school leavers)

Prais 1 = K20
Prais 2 = K10
Prais 3 = K5

Section Four: (Ol poem long tok Pisin)

Prais 1 = K25
Prais 2 = K15
Prais 3 = K10



- raitim. Sumatin yet i mas raitim stori.
9. *Sapos yu laikim bek stori bilong yu, yu mas salim skin pas i gat stem long em pinis i kam wantaim stori.*
 10. *Manmeri i raitim stori i mas orait long Literature Bureau i ken prin-im namba wan taim*
 11. *Sapos yu winim namba wan prais bilong K50 long raitim pilai bilong radio, na sapos NBC i brotkasim, orait bai ol i baim yu wantaim moa.*
 12. *Sapos stori bilong yu i kamap bihain long 31 Julai, em i no inap go insait long resis.*

PLAY COMPETITION (OLKAIN PILAI)

Section One: (Short Plays: one act or less)

Prais 1 = K50 (Michael Zahara Prais)
Prais 2 = K25
Prais 3 = K15

Section Two: (Long plays: 1 or 2 acts)

Prais 1 = K50 (Michael Zahara Prais)
Prais 2 = K25
Prais 3 = K15

Section Three: (Ol pilai long Tok Pisin)

Prais 1 = K50 (National Arts School Prais)
Prais 2 = K25
Prais 3 = K15

Section Four: (Radio scripts and plays)

Prais 1 = K50 (NBC sponsored)
Prais 2 = K25
Prais 3 = K15

SHORT STORY COMPETITION (SOTPELA STORI)

Section One: (Tertiary students or those doing Form 6 or above)

Prais 1 = K50
Prais 2 = K25
Prais 3 = K10

Section Two: (High school students)

Prais 1 = K50 (Betty Legge Prais)
Prais 2 = K25
Prais 3 = K10

Section Three: (Community school students or school leavers' groups)

Prais 1 = K25
Prais 2 = K10
Prais 3 = K5

Section Four: (Ol stori long Pisin o Motu)

Prais 1 = K50 (S/L prais)
Prais 2 = K25
Prais 3 = K10

Tiket bilong go insait long resis bilong rait:

Namba wan nem:
Famili nem:
Yu gat hamas yia
Nem bilong ples bilong yu:
Winim wanem ol praimer skul:
Winim wanem haiskul:
Winim wanem arapela biksul:
Yu wok we nau?
Yu skul we nau?
Mi laik insait long dispela resis bilong

Section One/Two/Three/Four/.....

Kontrak:


1. Mi laik insait long dispela resis long rait bilong Literature Bureau. Mi promis bai mi bihainim ol lo na rul bilong dispela resis.
2. Samting ya mi salim i go long dispela resis, em i wok bilong mi stret. Mi yet mi bin raitim. Mi no bin kisim long narapela man. Mi no bin kisim long wanpela buk.

Mi sainim nem bilong mi hia:
De/mun/yia

Salim i go long: *Literature Bureau*
Department of Education
P.O. Box 5741
BOROKO

Wanpela bikpela kampani tru bilong wokim ol loli long Australia, nem bilong em Dsss Cadbury, em i laik baim moa kakao long Papua Niugini tasol. Em bikos Papua Niugini i klostu long Australia. Bipo em i kisim ol kakao long Afrika, long Ghana. Kos bilong wanpela tan kakao em i moa olsem K1500. Dispela kampani inap baim 6000 tan kakao olgeta yia. Inap nau PNG i bin 600 tan long ol. Nau em i wok long go antap long 2000 tan. Long 1978 ol i ting bai PNG inap salim 3000 tan olgeta yia.

PASIN BILONG



**HELPIM
YU
YET**

Sapos yu lukim dispela mak SPATF long wanpela hap, nogut yu brukim het na maus long tokautim. Em i sot-pela tok long "South Pacific Appropriate Technology Foundation". Em i min wanpela grup i wok wantaim Ofis Bilong Viles Developmen bilong wokim olkain masin bilong helpim laip bilong ol fama na man long viles.

SPATF em i lain saveman i traim wokim olkain liklik masin em i isi long baim na ranim na isi tru long fiksims.


Long Yunivesiti long Lae sampela man i save wokim ol dispela kain masin. Na tu nabaut long Lae ol i gat sampela liklik ples we ol i save traim ol dispela samting.

Wanpela samting ol i traim nau em i long mekim ol baret wara na liklik riva i mas tanim masin bilong wokim lektrik pawa. Bai ol liklik ples nabaut long maunten i ken gat lait.

Long Simbu ol i soim ol pipel long pasin bilong pamim wara long wanpela kain pam i no gat ensin bilong em. Long sampela ples ol i save pamim wara long wanpela bikpela koropela, win i save tanim.


Sapos yu laik save moa long dispela samting, yu rait i go long:

Ms. Jean Kekedo,
Office of Village Development
P.O. Box 6937,
BOROKO.



Ol dispela poto i kam long wanpela buk bilong dispela grup SPATF. Poto antap i gutpela tru, i soim wanpela boi i kam bek long wara o long maket we em i bin kisim sampela pis bilong kantri bilong em stret. Na trak i bihainim em - em trak yet i samting bilong narapela kantri na i bringim ol tin pis bilong narapela kantri.

Na long olgeta taun na viles i gat sampela olupela ensin na ka samting i ros i stap. Ating bus i karamapim ol pinis; o ol i bilong taim bilong pait yet. Planti kain skru na wil na hap ain i stap long ol. Saveman inap long rausim ol na skruim bek long ol kain kain samting. Em i selp relayans.





THE INVESTMENT CORPORATION OF PAPUA NEW GUINEA



MIPELA SAVE LUKAUT GUT LONG MANI BILONG YU

BAI EM I WOK

LONG HELPIM YU

NA KANTRI TU


Sapos yu laik save moa long we bilong kisim winmani, yu rait long: Investment Corporation
P.O. Box 155
Port Moresby

NEM BILONG YU:

ADRES BILONG YU:

.....

Poto daunbilo i soim (Lephan) Mista Komini Kanawi bilong Manus Ailan na Mista Mark Unduhan bilong Is Sepik. Tupela i stap nau long Sydney long woksap bilong Ansett, we ol i tren long wok bilong fiksिम ensin na bun na skin bilong ol balus. Tupela i bin winim 5 yia kos long Lae Teknikal Koles.



AIR NIUGINI GO ANTAP MOA MOA YET NAU.

Mista Bruce Jephcott, Minista bilong Transpot, i bin ripot olsem, Air Niugini i bin winim moa olsem K500,000 winmani insait long las 6-pela mun. Em i tu taim moa olsem long yia i go pinis. Olsem ol samting long wok bisnis bilong en i ran gut tru.

Insait long ol dispela 6-pela mun i go pinis, Air Niugini i bin mekim ol dispela samting:

- (1) Baim wanpela bikpela 707 foa ensin smokbalus long Quantas
- (2) Baim 4-pela Foka Frensip balus long Ansett
- (3) Wokim nupela hetkota bilong Air Niugini klostu long ples balus long Port Moresby
- (4) Wokim nupela kago stua long Port Moresby ples balus
- (5) Kisim tok orait long flai i go long Sydney na Japan na HongKong
- (6) Wokim tiket ofis long Brisbane, Sydney, Cairns, Manila, HongKong na Tokyo.
- (7) Baim bek olgeta hap bilong Air Niugini bipo Quantas na Ansett i papa long en.

Olgeta dispela samting Air Niugini yet i bin baim long winmani bilong em stret. Ol balus tasol, em i kisim dinaumani long baim.

Nau Air Niugini i ting long traим sampela smolpela smokbalus insait long Papua Niugini na yusim ol long flai long ol longpela rot i go long Lae na Goroka na Maun Hagen, na Wewak na Madang na Manus na na Rabaul na Kieta. Dispela smokbalus bai flai hariap moa.



Poto antap i soim Mista Archie Chapman, i sanap long lephan, na Mis Irene Slapczynski, i sindaun long raithan, insait long Air Program Intenesenel Studio (API), long Sydney na lukluk long wanpela enimesen piksa buk.

Mista Archie Chapman i mekim 3-pela mun kos long enimesen wok long Sydney. Enimesen wok em i stadi bilong mekim ol piksa i kalap kalap nabaut, o mekim ol i muv o givim laip long ol gen.

Olsem na nau yu ken lukim Mista Archie na Mis Irene, i wok long redim wanpela long ol dispela kain fani rilm long API studio long Sydney. Gavman bilong Asutralia yet i bin baim skul na rot bilong em. Archie Chapman i save wok long Ofis Bilong Infomesen long Port Moresby.

Siaman bilong nupela komiti bilong stretim ol wari bilong ol haus ol wokman bilong gavman i yusim nau, em Mista Leo Morgan, i stat nau long raun long Lae, Rabaul, Kimbe, Kieta, na Arawa bilong painimaut ol wari bilong ol man i sindaun long ol dispela haus.

OL BAS I GO LONG HAILANS

OLGETA DE

GOROKA - LAE: olgeta de
LAE - GOROKA: olgeta de
GOROKA - HAGEN: Sande, Tunde Fonde, Fraide
HAGEN - GOROKA: Mande, Trinde, Fraide, Sarere.

PRAIS: Goroka/Lae = K15
 Goroka/Hagen = K13

RING: Goroka: 72.1637
 Lae: 42.4377 Ext. 1

STESIN: Jumi Cabco
 Lae Maket kona
 Air Corps Rd.

SALIM OL
 PAS I KAM
 LONG:

WANTOK
 BOX 1982
 BOROKO

TERRITORY NET SUPPLIES
NAMBA WAN PLES BILONG BAIM OLKAIN UMBEN
 importers fishing nets
 net tailors ropes, twines
 retailers leads, floats
 wholesalers needles
Retail Store Factory P.O. Box 5860 Ph.25.6700
Pascall Ave., Badili Boroko Port Moresby

PATER JILEK DAI



Long de namba 20 bilong mun Mai Pater Jilek i dai pinis long liklik misin stesin klostu long arere bilong Wes Sepik Provins. Nem bilong em Dato. I no gat rot i go kamap long dispela stesin. Nogat. Yu mas wokabaut long lek tasol o yu mas flai long liklik balus.

Long Trinde 18 Mai bihain em i mekim misa long ol skulmanki long 11 klok moningtaim, em i tokim katekis em bai go slip na ol manki i mas longwe long haus. Em i tok em i gat liklik pen long bros bilong em.

Orait, em i go slip. Na

neks de ol manmeri i no lukim emtu. Tasol ol i ting em i gat sik na i stap yet long bet. Long Fraide nau, katekis i pilim samting i no stret, na em i go insait long windo bilong haus na i painim Pater i sindaun yet long sia i stap. Tasol em i dai pinis - ating wanpela de bipo yet. Taim em i dai em i wok long ritim wanpela buk, na buk i stap yet long han bilong em.

Kwiktaim katekis i go long redio na i tok save na Bisop Arkfeld i flai i kam long Madang. Na long Mande 23 Me ol i mekim bikpela misa sori long Dato yet long Pater bilong ol. Na ol pipel i krai sori long em. Long apinun ol i mekim draipela lotu moa long bikpela haus lotu bilong bisop long Wewak. Bisop Cohill bilong Goroka wantaim samting olsem 50 pris i misa wantaim. Na haus lotu i no inap long olgeta manmeri i kam. Bihain sampela boskru bilong Pater Jilek, bipo ol i wok wantaim em long sip Marova, i karim bodi bilong em i go long matmat long Wirui misin stesin.

Pater Jilek i no bin tok

em i gat wanpela liklik sik samting. Nogat. Long wik bipo em i bin stap long Wewak bilong pestode bilong 4-pela pater i winim 25 yia wok pris. Na em i pilim gut tru.

Pater Jilek i kam kamap long PNG long yia 1950. Taim em i kam em i winim pinis 10 yia long kantri India. Na long 1950 inap long 1973 em i kepten bilong MAROVA, em sip bilong katolik misin long Wewak, i save karim inap 70 tan kago. MAROVA i save ran oltaim namel long Madang na Vanimo na Sepik antap inap long Ambunti. Pater Jilek em i kepten i save moa moa yet long olgeta ialan na rip long ol nambis na tu long Ninigo na Westen Ailan yet. Wanpela taim em i bin kisim Marova i go inap long Sydney na i bringim bek sampela spesel bulmakau i kam.


Pater i save moa long pulim ol sip i pas long rip. Na tu em i saveman bilong yusim dainamait. Em yet i dainamaitim rot namel long ol rif i go insait long liklik pasis klostu long pos ofis long Wewak. Na em i save moa long ol ensin.

Maski sip bilong em i bagarap, em inap fiksime. Wanpela taim sip bilong em i gat hul na wara i go insait na sip i laik go daun. Tasol nogat, em i bringim Marova i kamap long Wewak. Ol i rausim ol dram bensin na ol i drip ii kam sua long Murik.

Planti planti handet manmeri nau ol i holim bikpela wok long kampani na gavman Pater Jilek na Marova i bin bringim ol i go i kam long ol haikul.


Pater Jilek i luk olsem wanpela bikpela strongpela bun, na em i wok olsem tu. Em i no save sanap nating longwe na bosim wok olsem bikpela masta. Nogat. Em i mas insait wantaim ol. Em i man bilong bel malumalu tru. Sapos yu askim em long wanpela samting, em i no inap tok nogat. Em i olsem papa tru wantaim ol liklik pikinini bilong em. Sapos em i pairap liklik long ol boskru. Em i no inap toktok isi; em i no pasin bilong em long taim bilong wok. Tasol ol i laikim em tru.

Coleman



ASKIM LONG :-


NAMBAWAN KEROSEN LAM BILONG PNG



N.E. BARNES TRADING CO. PTY. LTD.

P.O. BOX 1855

BOROKO, PNG.



PASIN BILONG MAKIM VOT PEPA

Mipela laik tok save long ol manmeri i laik vot long stretpela pasin bilong makim ol vot pepa. Long dispela ileksen i kirap long 18 Jun 1977 mipela bai yusim nupela pasin bilong vot. Long dispela pasin, em ol i kolim long Tok Inglis "First-Past-The-Post", yu mas putim mak (X) bilong makim wanpela kendidet tasol. Tasim yu laik vot, orait, ritim gut tru lo bilong makim vot pepa, em bai yu kisim long han bilong ofisa bilong bosim ples bilong vot.

Yu mas bihainim tru olgeta lo bilong makim dispela vot pepa. Daunbilo hia mipela i givim tupela eksampel. Wanpela eksampel i gutpela na narapela eksampel i soim kranki pasin bilong vot.

VOT PEPA RABUIN OPEN ILEKTRET

TOK SAVE: - Bilong vot long dispela pepa, yu mas raitim wanpela "X" long liklik rum namel long nem na poto bilong kendidet. Lukaut:

- (a) Yu ken putim wanpela "X" tasol long dispela pepa.
- (b) Yu no ken putim narapela mak long dispela pepa.



Smith FISHER



White KEN



Grey TED

VOT PEPA RABUIN OPEN ILEKTRET

TOK SAVE: - Bilong vot long dispela pepa, yu mas raitim wanpela "X" long liklik rum namel long nem na poto bilong kendidet. Lukaut:

- (a) Yu ken putim wanpela "X" tasol long dispela pepa.
- (b) Yu no ken putim narapela mak long dispela pepa.



Smith FISHER



White KEN



Grey TED

Man i rait long dispela vot pepa em i mekim gut tru. Em i raitim stret. Em i bin putim mak "X" insait long wanpela rum tasol. Dispela i soim tingting bilong em: mi laikim dispela wanpela kendidet i win.

Lukaut: Vot pepa bilong provinsal ilektoret na vot pepa bilong salim i kam bek long pos, bai i wankain long dispela vot pepa. Tasol tupela bai gat narapela kala. Sapos wanpela ilektoret i gat moa olsem 15 kendidet i resis, bai vot pepa bilong dispela ilektoret i no gat poto bilong wan wan long en.

Dispela vot i kranki, long wanem man o meri i laik vot, i bin putim mak "X" tupela taim, na insait long tupela rum. Man i save kaunim ol vot, em i no inap save nau, husat i mas win. Tupela i no ken win. Wanpela tasol i mas win. Tasol man i vot i bin putim wanpela "X" long tripela rum. Olsem na vot bilong em i nogut.

J.S. Mileng, Komisina bilong Ileksen, 18.5.77

NOGUT MAN I TRIKIM YU - MIPELA TASOL I BILONG YUNAITET PATI

ILEKTORET

Nem Bilong Kendidet

Western Regional	Samuel Kloney		Manyama	Bingtau Matjianapaco
Middle Fly	Vonomā Azila		Nawae	Honkenare Pešo
North Fly	Ildore Caspar		Teaee-Siassi	Advent Tarosi
South Fly	Tabua Imabi		Madang Regional	Tedor Tuya
South Fly	Simon Paradi		Bogia	Tom Pais
Gulf Regional	Iru Kakare	Baiyer-Mul	Madang Open	Angmar Bilas
Gulf Regional	Jack Mokoko	Del Open	Middle Ramu	David Genjem
Gulf Regional	Emmanuel Lei Oakiva	Hagen Open	Rai Coast	Paul Bagel
Kerema	Joseph K. Laho	Hagen Open	Sumkar Open	John Middleton
Kerema	Mirisa Koroya	Hagen Open	Usino-Bandi	Rikard Kongra
Kikori	Ivja Laura	Jimi Open	East Sepik Regional	Joe Ulaipo
Kikori	Ray Evara	North Wahgi	Angoram	Sari Wimbar
Nat. Cap. Regional	Tom Kimala	North Wahgi	Ambunti-Dreikikir	Thompson Jarabundu
Moresby N. East	Harry Hoefler	Tambul-Nebilyer	Maprik Open	Tobias Kweli
Moresby N. West	Lance Kousa	Tambul-Nebilyer	Wewak Open	Nelson Kaspar
Abau	Moses Anai	Tambul-Nebilyer	Wasera-Gai	Joseph Nufubuk
Goiŋala	Stephen Katie	Chimbu Regional	Yangoru-Saussia	John Jamenen
Goiŋala	Camillo Esef	Chuave	West Sepik Regional	Paul Langro
Kairuku-Hiri	Taumaku Morea	Chuave	Aitape-Lumi	Brere Awol
Kairuku-Hiri	James Moaba	Gumine	Nuku Open	Ignas Wunum
Kairuku-Hiri	Siosi Samaea	Gumine	Telefomin Open	Wesani Iwoksim
Alotau	Matilda M. Pilacapio	Gumine	Vanimo-Green River	Bewa Tou
Esa'ala	Justine Cyprian	Karimui-Nomane	Manus Regional	John Paliau
Kiriwina-Goodenough	Lawrence Aubihi	Karimui-Nomane	Manus Open	Joseph Talam
Samarai-Murua	Luke Paiteli	Kerowagi	Manus Open	Steven Meta
Northern Regional	Wesley Embahe	Kerowagi	East New Brit. Reg.	Joseph Talam
Ijivitari	Simon Kaumi	Kundiawa	Gazelle	Martin To Vadek
Sohe	Mackenzie Javopa	Kundiawa	Kokopo	Kai Chew Fong T.
S. Highlands Regional	Francis Pusal	Kundiawa	Pomio	Patrick M. Pagun
S. Highlands Regional	Nelson Humbi	Sinasina-Yong	Rabaul	Poe Apelis
lalibu-Pangia	Pundia Kange	Sinasina-Yong	New Ireland Regional	Henry Mola Tohian
S. Highlands Regional	Gaba Kulembe	Sinasina-Yong	Kavieng	Wallia Gukguk
Imbonggu	Pawa Kombea	Sinasina-Yong	Namatahai	Michael Singan
Imbaonggu	Capri Molo	E. Highlands Regional	West New Brit. Reg.	Peni Ase
Kagua-Erave	Mata Mura	Daulo	Kandrian-Gloucester	Peter Wain
Kagua-Erave	Ais Pale Andia	Daulo	Talasea Open	Ben Willi
Komo-Magarima	Edward Ega	Goroka	Bougainville Regional	Luke Deukare
Komo-Magarima	Mamu Tukuli	Goroka	Central	Gideon Biles
Koroba-Kopiago	Andrew Andagali	Henganofi	North	Samson Purupuru
Nipa-Kutubu	Wabiria Kainantu	Kainantu	South	Mathew Sipisong
Nipa-Kutubu	Ibne Kor	Kainantu	Henganofi	Wionti Yaloka
Mendi Open	Ebeyal	Lufa Open	Enga Regional	Paul Paken Terato
Mendi Open	Momei Pangiat	Lufa Open	Kandep Open	John Yaka
Tari Open	Geogrey Tera	Obura Open	Kompjam-Ambun	Tom Amaiu
W. Highlands Regional	Matiabe Yuwi	Obura-Wanenara	Wabag Open	Sir Tei Abal
Angalimp. Wahgi	Raphael Doa	Obura-Wanenara	Wapenamanda	Peter Amean
Angalimp-S. Wahgi	Kut Yaga	Okapa Open	Lagaip-Pogera	Mr. Ipuā (Make)
	Opai Kunagel	Okapa Open	Lagaip-Pogera	Frank Y. Taso
		Unggai-Bena	Wapenamanda	
		Morobe Regional		
		Bulolo Open		
		Finschhafen		
		Huon Gulf		
		Kabwum Open		
		Lae Open		
		Markham		
		Mek Nugintz		
		Parua Kuri		
		John Kundi		
		Ogia Makindi		
		James Kuru Kupul		
		Patrick Ambelye		
		Anthony Kupul		
		Koitago Mano		
		Nambuka Mara		
		Peter Pilamp		
		Peter Kungu		
		Emmanuel Kange		
		Kuri Kamana		
		Lukas Kaupa		
		Willy K. Ninkama		
		Ninkama Bomai		
		Michael Dila		
		Duma Sinemau		
		Alphonse Kutne		
		Wagou Goiye		
		Mark Konia		
		Joseph T. Tunga		
		Arnold Kuno		
		Cosmas Konia Wemin		
		Mote Tinembau		
		Wamel Kiak		
		Kom Yongol		
		Kumoro Vira		
		David N. Rambit		
		Tulip		
		Bebes Korowaro		
		Timothy Vano		
		Aaron Kasse		
		Akila Iniviko		
		Tepi Yaara		
		Pupune Aruno		
		Enwick Yaloki		
		Bakuta Bilio		
		Wesley Matoara		
		Muriso Warebu		
		Billy Hai		
		Akepa Miakwe		
		Utula Samana		
		Bonihī Sima		
		Mek Singilong		
		Gideon Apeng		
		Muser Muekako		
		Jonathan Saing		
		Kapumi Marabuman		



VOTIM YUNAITET PATI

Tok orait long dispela tok save i kam long
Sir Tei Abal, CBE., P.O. Box 3534, Port Moresby.

Marasin bilong bus win moa

I gat wanpela stori long biktaun London long Englan. Ol dokta i bin katim bel bilong wanpela sikman bilong stretim sik bilong em, tasol wanpela sua nogut i kamap na klostu man i dai. Olgeta marasin bilong waitman i no inap. Orait, wanpela dokta i ting bek long taim em i stap long bus long Afrika na em i ting long traिम marasin bilong ol pipel: em popo tasol. Orait, em i painim sampela popo long maket na i katim na i putim antap long sua, na olaboi, sua i drai gut tru. Nau dispela dokta na planti arapela dokta i tingting planti.

Tude long planti hap bilong graun, ol bikpela dokta bilong waitman - em ol i gat planti save moa - i laik save moa moa yet long ol marasin bilong bus bilong planti pipel long ol kantri we ol i no gat haus sik samting. Olsem long Afrika na Esia. Na tude long Amerika na Australia ol waitman yet i gat samting ol i kolim helt stua - we ol i save baim ol dispela kain marasin.

Long kantri Zambia long Afrika gavman i tok orait long ol sampela lokal dokta long mekim wok marasin bilong ol wantaim ol samting bilong bus. I no mekim posin o marila. Nogat. Ol i save yusim ol lip diwai na rop bilong diwai na wara bilong tri na ol samting olsem. Poto i soim wanpela dispela kain dokta long Zambia.

Wanpela bikpela dokta bilong Zambia Yunivesiti yet i bin tok: Taim sotwin i kisim meri bilong mi na i pasim nek bilong em na em i no inap slip, em i save kisim sampela marasin bilong bus, wanpela bus dokta i bin givim em, na wantu nek na bros bilong em i orait na em i slip gut tru.

Na long sampela kantri bilong Esia i gat planti dispela kain dokta i yusim ol sayor na samting bilong bus bilong stretim sik.

Long kantri Sri Lanka long olgeta 100 sikman 65 i save kisim marasin bilong bus, long kantri Burma 85, long India 80, long Indo-


nesia 60, long kantri Nepal 75, na long Bangladesh 90.


Long wanpela bikpela miting long ol dispela kain bikpela man bilong helt na marasin, wanpela deliget bilong Indonesia i tok, dispela kain marasin bilong bus tasol i save stretim sik bilong planti man long ol 13,000 liklik ailan long kantri bilong em.

Deliget bilong Burma i tok i gat 30,000 dispela kain dokta bilong bus long kantri bilong em. Long lo bilong kantri ol i wankain olsem ol dokta i bin stadi long yunivesiti.

Long kantri Thailand i gat 34,000 dokta i tren long dispela pasin bilong marasin bilong ples na ol i gat laisens bilong yusim dispela save long stretim sik bilong ol pipel.


Long kantri Zambia long Afrika wanpela saveman bilong tok bilong God, Profesa John Mbiti (em bilong Kenya yet) i tok, long tingting bilong em, pasin bilong tok kristen i mas bihainim moa na moa aidia bilong ol pipel bilong Afrika. I gat moa olsem 100,000,000 Kristen long Afrika. Profesa Mbiti i amamas long olgeta gutpela Kristen lida i gat long edukesen na helt na politik na bisnis. Tasol we stap ol bikpela lida long sios bilong Afrika tru? Em i wari long dispela. Em i tok ol Kristen Sios bilong Afrika i olsem liklik pikinini yet i stap long susu bilong mama Yurop. Em i laikim independens - em i laik tingting long we na pasin bilong em yet - olsem bikpela manmeri tru.





YAMAHA


YAMAHA



MASKI I GAT ROT O NOGAT

YAMAHA


EM INAP





KOS LIKLIK MANI


PLANTI SPEA PAT

PLANTI WOKSAP









AMAMAS LONG BENG

Mista Julius Chan, Minista bilong Fainens, i bin toktok long Balob Tisa Koles long Lae na em i bin tok amamas long gutpela wok bilong PNG Beng. Moa na moa lokal pipel i save putim mani insait long dispela beng na i kisim dinau long en.

Mista Chan i tok long yia 1974 samting olsem 40 bilong olgeta 100 smolpela dinau i bin go long ol lokal pipel. Long yia 1975 namba i go inap long 58 dinau; na nau namba i go inap long 71. Mista Chan i tok: dispela i soim dispela beng bilong PNG i wok tru wantaim ol pipel bilong kantri.

WOKIM 8-PELA SIP

Mista Bruce Jephcott, Minista bilong Transpot, i bin tok Hornibrook Construction Company bai stat nau long wokim 8-pela sip bilong karim pipel.

Bikos ol i wokim wantaim dispela kampani,

gavman i bin sevim samting olsem K120,000 long dispela 8-pela bot. Hornibrooks bai wok wantaim Steamships long Madang long mekim dispela wok. Ol i ting bai ol inap long pinisim namba wan bot insait long 9-pela mun; na bihain bai olgeta wan wan mun ol inap pinisim wanpela moa.

MASKI LONG MANI

Mista Thomas Kavali, memba bilong Jimi Open, i bin mekim gutpela tok long ol memba bilong Jimi Lokal Gavman kaunsil, taim ol i egens long go insait long Hagen So long dispela yia. Ol kaunsila i bel nogut bikos ol pipel long hap bilong ol i no bin winim sampela mani long so. Olsem na ol i no laik moa.

Mista Kavali i tokim ol, ol i no mas wari tasol long putim mani long poket bilong ol. Wok bilong ol long singsing na danis i save helpim kalsa bilong kantri na tu bilong pulim ol turis. Wok turis i bikpela samting bilong winim mani bilong kantri.

MAS BOSIM OL FILM

Mista Martin ToVadek bilong Gazelle i bin tok kros long gavman long wanem em i tok ol i save larim ol muvi nogut i kam insait long kantri. Ol dispela kain film i gat planti piksa nogut i gat sem na tu i soim ol Kung Fu pasin bilong pait na bagarapim narapela man. Em i kros tu long ol komik buk i gat dispela kain tok na piksa.

Mista ToVadek i tok, dispela kain komik buk na muvi i save putim planti kain tingting nogut insait long het bilong ol yangpela pipel.

I gat wanpela grup pipel, Gavman i bin makim ol, long pasim rot bilong ol dispela kain muvi na buk i kam insait long kantri. Tasol ToVadek i ting dispela grup i no mekim tru wok bilong em. Ol yet i tok: ol i no gat inap taim na pipel bilong mekim gut tru dispela wok bilong ol.

Mista ToVadek i tok, sapos tok bilong ol i tru,

orait, hevi bilong dispela wari i pundaun antap long gavman yet.

ARAKAIN DINAU

Mista Paliau Lukas, komisina bilong haus long PNG, i tok nau dipatmen bilong em i bin painim nupela we bilong helpim ol sampela pipel long Port Moresby i bin wokim haus bilong ol long hap graun bilong ol gavman projek - na ol dinau mani bilong K250 ol i bin kisim pinis i no inap. Mista Lukas i tok, namba wan samting: ol i mas yusim planti kain diwai samting bilong PNG stret. Na tu kain haus ol i wokim i no mas bikpela tumas o kostim tumas. Mista Lukas i tok, gavman i ting long givim dinau long ol samting bilong helpim ol pipel long wokim haus - olsem ol mesin na ol tul samting na ol simen samting bilong wok.

SUGA FAKTORI

Inap long 12 yia nau sampela fama long Markham Riva antap klostu long ples Gusap i bin traim

groim suga bilong statim wanpela faktori bilong wokim suga. Gusap em i samting olsem 120 mail longwe long Lae na i stap long haiwe i go long Madang.

Dipatmen bilong Praimeri Industri (bipo em i DASF) i bin traim groim kain suga long tripela ples long tripela taim bilong yia, bilong painimaut we suga i save kamap gutpela tru.


Ol dispela wok i bin soim nambawan ples tru bilong kirapim wok suga em i nabaut long hap bilong Gusap we Markham Riva na Ramu Riva, tupela i kirap. Na gutpela taim tru bilong givim suga long dispela hap, em i long mun Oktoba inap long Epril. Na olsem suga faktori bai ran long Me inap long Desemba.

Dipatmen bilong Praimeri Industri i bin wokim wanpela so long 50 save-man na fama long hap bilong Gusap bilong soim ol dispela samting, na olsem wanem ol i ting long statim wanpela suga faktori bilong PNG stret.

**SAPOS YU LAIKIM BATERI TRU
YU BAIM DISPELA KAIN**


KASET BILONG MAXELL

Em i namba wan tru



BATERI BILONG MAXELL

Em i save wok longpela taim tru



yu ken baim long :

HAGEMAYER (P.N.G.) PTY. LTD.

P.O. Box 673, MADANG
PHONE: 822445

P.O. Box 1428, BOROKO
PHONE: 256144

P.O.Box 63, RABAU
PHONE: 922633

P.O.Box 90, LAE
PHONE: 423200

P.O. Box 11, MT' HAGEN

Mista Bernard Narakobi, siaman bilong Komisin bilong Stretim ol Lo bilong kantri, i bin tokaut egens long ol plisman i save rausim ol pipel long taun i raun nating, i no gat wok, na salim ol i go bek long ples.

Mista Narakobi i tok, dispela pasin i no stret, long wanem em i bihainim wangepa lo ol Englan i bin wokim 500 yia bipo. Na em i ting dispela lo i no pas long kantri na pasin bilong ol Papua Niugini tude. Em i tok, as bilong dispela lo bilong bipo, em i bilong rausim ol kanaka long ol taun bilong ol waitman.

Mista Narakobi i tok, long tingting bilong em, ol plisman i no ken bihainim strong tumas dispela lo. Dispela lo i no mekim save long man i mekim wangepa rong o wangepa samting nogut. Nogat. Dispela olpela lo i krungutim tasol ol man i no gat wok o i no gat mani. Dispela tupela samting i no rong.



Kirap long lephan long poto antap yumi lukim: David Jakotong (Presiden bilong Yabim Luteran Distrik), Bissop Stahl Mileng bilong Luteran Sios-long Madang, Gabby Gedisa,

Mista Ray Blacklock (Jeneral seketeri bilong ELCONG), na Meck Kamawe (Yunivesiti bilong Teknoloji long Lae). Olgeta ol i go pinis long de namba 3 bilong Jun

long bikpela kibung bilong 720 deliget bilong 94 Luteran sios, em bai ol i mekim long Dar Es Salaam long kantri Tanzania long Afrika. Em i namba wan taim

ol deliget bilong PNG inap long vot long dispela kain het kibung. Dispela miting ol Luteran i save mekim olgeta 6-pela yia na ol i save vot long rot ol i save bihainim long dispela taim.

Dispela spes Pangu Pati i baim



MIPELA I TENKYU

LONG VOT BILONG YU



Wingkeo Williong, Nesanel Seketeri, Pangu Pati
P.O. Bokis 623, Port Moresby, i bin oraitim ol dispela tok.

APEX Klap HELPIM OL LEPRAMAN

Olgeta Apex Klap bilong Papua Niugini wantaim i bin bungim mani long wokim wanpela nupela wod long bikpela Taurama haus sik long Port Moresby. Dispela nupela bikpela wod i bilong ol manmeri i gat sik lepra. Hia tu bai ol dokta trenim ol nes long wok wantaim ol lepramanmeri.

Kontrak bilong wokim dispela nupela hap bilong haus sik i bin go long Watkins Kampani. Em bai kostim inap K79,363.

Inap 4-pela yia nau ol Apex Klap i bin wok long bungim mani bilong wokim dispela kain spesel wod bilong Moresby haus sik. Dokta Ken Clezy, man i save moa long stretim ol han lek bilong ol lepraman, em tu i bin mekim

bikpela wok long bungim mani.

Ol i bin wokim wanpela muvi long wok bilong ol odeli na helt woka i save wok bus bilong painim ol lepraman na ripot long ol i go bek pinis long ples. Wanpela klap bilong Kanada i bin soim dispela film nabaut long kantri bilong ol na ol i bin bungim \$90,000 bilong givim long Apex hia long helpim dis-

pela wok. Nem bilong dispela klap long Kanada, em Kinsmen Klap.

Gavman bilong Papua Niugini tu i bin givim K15,000 bilong go insait long dispela wok. Ol wokman i bin statim wok long 31 Me na ol inap pinisim long mun Novemba.

Nesenel presiden bilong olgeta Apex Klap long PNG, em Mista Warwick Richmond, i amamas tru long ol wokman nau i statim dispela wok. Em i tok, Apex Klap bilong Boroko (em Mista Pius Bonjui i presiden bilong em) i bin kirapim dispela aidia na dispela projek.

20 HAISKUL STUDEN I KISIM PRAIS MANI

Mista Alkan Tololo, Seketeri Bilong Edukesen, i hepi long tokautim nem bilong 20 haiskul studen i bin kisim presen long K50 long helpim ol long baim skul fi bilong ol. Dispela mani - i kamap long K1000 olgeta - i kam long nem bilong Mista Mathias Toliman, bipo em i minista bilong edukesen na lida bilong oposisen. Em i dai pinis long yia 1973.

Mani bilong dispela presen i bin kam long sampela manmeri bilong PNG yet na tu long Komyuniti Et Abrot (Community Aid Abroad) - em wanpela han bilong VSO lain bilong Englan.

Em hia nem bilong ol haiskul studen na haiskul bilong ol:

Benesa, Abel	-	Busu Haiskul
Veronica Gerua	-	Bogia Haiskul
Dinah Bagiruh	-	Mercy Yarapos
Conleth Pepe	-	St Mary's Asitavi
Lucas G. Goilola	-	De La Salle Bereina
Gebo Pope	-	Daru
Mina L. Sam	-	Notre Dame
Hubert Matiabe	-	Tari
Lam Onaga	-	Iarowari
Stanilus Namtane	-	St Ignatius
Yaluwaka Maleheya	-	Hagita
Awoi Didei	-	Karkar
Pius Danai	-	Buin
Kande Kandat	-	St Paul's Pausa
Robert Billy	-	George Brown
David Dilu	-	Fatima
Otto Abu	-	Brandi
Donny Gamu	-	Bugandi
Kabeloma Andibu	-	Awaba
Salaniat Kiau	-	Kokopo



*Kirap long lephan :
Kerry Hart
Menese bilong wokim haus Warwick Richmond
Apex presiden Wilf Day
Apex seketeri Barry Swanson
Man bilong droim ol plen*

BOROKO MOTORS



**YU KEN LUKIM NUPELA
DATSUN 1500 HAPKA
LONG BOROKO MOTORS
LONG OLGETA HAP
BILONG PAPUA NIUGINI
NA TU LONG ARAWA
MOTORS**



Dispela DATSUN inap long karim wan tan long olgeta kain kain kago



Poto antap i soim (lephan) Bisop Leslie Boseto, em i siaman bilong Melanesian Kaunsil bilong Olgeta Sios, i sanap toktok wantaim Pater Rex Davis bilong Engliken Sios.

Bisop Boseto em i bilong Yunaitet Sios. Pater Davis em i tokman bilong olgeta bikpela, Kristen Sios bilong dispela hap solwara Pasifik, insait long bikpela Kaunsil bilong olgeta sios bilong graun long Geneva, Switserlan.

Melanesian Kaunsil bilong ol Sios long Papua Niugini em i bikpela asosiesen tru bilong olgeta bikpela sios insait long dispela kantri, olsem Engliken, Katolik, Luteran, Yunaitet. I gat samting olsem 30 moa sios o lotu o misin insait long Papua Niugini. Planti ol i insait long grup ol i kolim Evanjelikal Alayans. Ol dispela lain wantaim ol. Sevende na ol Jehova - ol i no insait yet long Melanesian Kaunsil.



NUPELA AIDIA

Wanpela nupela aidia i bin stat long Englan namel long ol olupela pipel i sevis pinis long wok bilong ol. Ol i no save kisim bikpela sevis pe. Ol i raus pinis long wok bilong ol. Tasol ol i gat planti save na ol i laik yusim yet.

Olsem na ol i bin statim wanpela kain pasin bilong senisim save bilong ol. I olsem. Sapos wanpela man o meri i save tumas long fiksim ka na narapela man i save tumas long penim haus. Orait, tupela i senisim wok. Sapos man i fiksim ka i wok long man i pen inap tri aua, orait, penta i mas bekim long tri aua wok long penim samting. Olsem na meri i save kukim gut kaikai, i senisim



MASKI
SENISIM
MANI

YUMI
SENISIM
SAVE


aua wok wantaim man i save wok long gaden.

Tasol olsem wanem sapos mi mekim wok na narapela man i no gat kain save bilong helpim mi nau? Olsem ol i save givim sampela liklik tiket long mi. Long wan wan aua wok i gat wan wan tiket. Wantaim wan wan tiket - i olsem mani bilong dispela grup lapun pipel - mi ken go na kisim wan wan aua kain kain wok long arapela man.


Dispela aidia i kamap long tingting bilong Mista Ed Walton long taun Merton klostu long London long 1975. Em i wok gut moa na nau planti arapela taun long Englan i bi-

hainim dispela pasin. Na ol dokta tu na ol bisnisman i insait wantaim dispela grup. I olsem, sapos man i go long dokta bai em i mas baim wok bilong dokta long kain wok bilong em. Na long dispela grup, olgeta wok i gat wankain mak. Maski em i wok long gaden o wok dokta.

Tiket i luk olsem dispela mipela prinim hia. Long tok Inglis nem bilong dispela lain pipel em i "Link Opportunity." "Link" em i wan wan ring long sen. Olsem na mak bilong ol i tupela hap sen i pas wantaim wanpela i helpim narapela.



PLAN PRINTING MACHINE



SWISIM PAWA. WANTU MASIN I REDI LONG WOK.

SAVE WOK HARIAP TRU. PRINIM 20 FIT PEPA LONG WAN MINIT.

ISI LONG RANIM. BRAIT BILONG MAUS BILONG EM 51 INS.

NO SAVE ROS. NO SAVE BRUK HARIAP.

SEVIM MANI. YUSIM MARASIN LONG LAIK BILONG YU.

PORT MORESBY
P.O. Box 633
Tel. 25.6230 - 25.3891
Telex: NE 22229

LAE
P.O. Box 759
Tel. 42.3941
Telex: NE 42416

RABAU
P.O. Box 1239
Tel. 92.2990

ARAWA
P. O. Box 661
Tel. 95.6310 - 95.6313



PAS I KAM LONG OL PIPEL

LUKIM MAK

Dia Edita - Nau mi laik bekim pas bilong wanpela man nem bilong em Elizah Maima, bilong Kundiawa.

Brata, yu tok long i no ken mekim lotu long Sande, poroman yu klia gut tru long ol buk baibel na yu toktok o yu wanpela misinari bilong SDA o yu man bilong statim ol dispela buk baibel na yu mekim dispela toktok.

Poru, yu save olgeta man bilong dispela graun em yu wanpela i no inap skulim ol long we bilong bikpela papa. Sapos yu inap dispela graun na yu wanpela man bilong klia o save tru long olgeta samting God i bin mekim, orait yu ken mekim dispela kain amamas bilong yu long ai bilong dispela graun.

Yes, pren, sapos yu i no save na yu amamas tasol long maus bilong yu, orait maski long yu amamas long maus na bodi bilong yu, laka? Poroman, mi i no kros long yu, tasol yu mekim dispela kain toktok em bilong yu mekim pret o bagarapim sios bilong dispela Yanpela kantri bilong yumj. Olsem na sapos yu save long wanpela samting olsem, orait maski long yu autim nabaut long olgeta hap bilong Papua Niugini na bagarapim sios bilong ol.

Yu i no save long dispela

kantri em i kristen kantri. Em yu i no save long dispela mak bilong PNG? Yu save dispela em i no min yu wanpela man tasol i mekim, em sios tasol i putim dispela mak bilong Papua Niugini.

Tambu kandere sapos yu bel hat, orait yu ken dringim doti wara. Sapos yu laik, rait i go long Wantok. Em tasol tenkyu.

Aloysius Napa,
Ialibu/S.H.P.

TUPELA KAP NA KLOS KAUBOI

Dia Edita - Nau mi laik bekim pas bilong Mis Ruth Wuliman long Wantok Nius namba 172. Em i tok long klos kauboi long Haus Lotu. Sista sapos yu gat tupela kap i stap i gat namba 1 na 2.

1. Kap i gat gutpela plaua long saet na klin. Tasol i gat smel sting na doti insait.
2. Kap i gat plaua tasol i doti long saet. Insait bilong en man klin moa yet.

Wanem kap bai yu kisim na dring wara long en? Kap wan o tu?

Sori yu tingting gut na kisim kap. Baibel i no tok long klos kauboi long stopim ol man meri long lotu. Em i no gat lo long en. Em

i samting bilong pasim skin tasol.

Yu ken bilas olsem tum-buna, papa bilong yu i save singsing long kisim bikpela kaikai na amamas na i go lotu. I no gat tambu. Putim bel laikim tru bilip long em. Husat? God Papa, Jisas, Holi Spirit.

Em i samting tru bilong wan wan man o meri. I no klos kauboi na laplap. Yu aigris long klos kauboi, laka?

J. Robson Adid,
Lae.

WOK POSIN

Dear Wantok - Mi laik toktok helpim Minista bilong Jastis Mista Ebia Olewale i bin toktok long wok posin long nius i go pinis. Dispela samting em i tru. Planti pipel insait long Papua Niugini ol i wok long yusim posin na wok sanguma long kilim narpela man. Long lukluk bilong mi, mi no amamas long dispela posin na sanguma pipel ol i yusim long kantri.

Klostu olgeta pipel long Papua Niugini ol i kamap kristen na trupela manmeri long lotu na long bihainim gut laip insait long kristen laip. Tasol yet oli yusim posin na wok sanguma. Olsem wanem, ol wantok? Em i we bilong kristen laip? Taim yu

kamap kristen man na meri. Lotu bilong yu i tokim yu long lusim pasin sanguma na posin?

long lusim pasin na sanguma.

Alwin Angetul,
Bomana.



Husat i bin givim yu long posin na sanguma. God? O satan? Sapos yu wanpela kristen manmeri i moa gut



SL 803

SPESEL TAIA BILONG OL STOUT LANDCRUISER

TAIA BILONG ROT I GAT GRAUN

SAIT BILONG EM I NO SAVE BRUK HARIAP.

GAT NAILON INSAIT

NO KEN PULAP LONG GRAUN


DUNLOP

LAE: Air Corps Rot, klostu long maket

MORESBY: Manahu na Gabaka Strit, Gordons

TOBA PTY. LTD.

Lae, Port Moresby



CANTER

TIPPER

T120 MINIBUS

T120 UTILITY

LANCER

MINICA

CELESTE

SIGMA

OL I HETMAN BILONG SALIM OL MITSUBISHI KA

stori tumbuna

TOK PLES KAMAP WE?

Bipo tru olgeta man i save long wanpela tok ples tasol. Na dispela tok ples ol i kolim BUKIKUNDI. I tru ol i gat planti ples, tasol tok ples i wankain tasol. Olsem na ol manmeri i stap olsem brata na susa.

Na sapos taim bilong marit, papamama bilong pikinini man i mas kirap i go longwe ples long painim meri long pikinini man bilong tupela. Dispela kain pasin i stap inap longpela taim tru.

Bihain nau long wanpela ples ol i kolim Yamil, i gat wanpela man i stap nem bilong em Aukejim. Dispela man i gat planti pikinini tru. Na ol pikinini i wok long marit i go i go na tupela tasol i stap wantaim papamama. Nem bilong tupela Lakito na Munapeihim. Tupela i pikinini man tasol. Las boi em Lakito na seken las boi em Munapeihim.

Tupela i save wok poroman long taim papamama i salim tupela long kisim kaikai long gaden o pulimaping wara. Tupela i save slip long wanpela rum tasol.

Long wanpela de papa bilong tupela i tokim tupela. O tupela pikinini, yutupela i mas lusim pasin bilong pikinini na mekim pasin bilong bikpela man nau. Na liklik i askim bilong wanem papa? Papa i bekim na i tok, long wanem bikpela bilong yu bai i marit nau. Na liklik boi i wari nogut tru. Long wanem bikpela i marit nau na bai liklik tasol i go long olgeta hap na mekim wok long papamama.

Taim Munapeihim i marit pinis, Lakito i hatwok long helpim papamama. Wanpela de nau bikbrata i tok long Lakito. Mi laik i go kisim sampela buai long bus, inap long yu kam wantaim mi na mitupela i go. Nau liklik i tok orait bai mitupela i go.

Tupela i kamap Yaubul, ples we bai tupela i kisim ol buai. Liklik brata i tok, yu stap, bai mi go antap long buai na kisim pikinini buai. Nau bikpela brata i sindaun i stap long as bilong ol diwai buai na liklik i goap kisim buai.

Taim Lakito i go antap kamap long rop buai na



em i sotwin na maus bilong em i op i stap long kisim win. Long dispela taim stret wanpela binatang i kaikaim tang bilong em. Nem bilong dispela binatang em Maliniti.

Tasol Lakito i go het long kisim ol buai. Antap long dispela buai i gat tupela rop buai, na Lakito i singaut i go daun long bikbrata bilong em: Yu laik mi kisim namba wan rop o namba tu rop buai? Tasol bikbrata i bekim tok, mi


no save yu tok wanem. Na liklik i bekim: mi no save tang bilong mi i tanim pinis. Ya mi ken harim yu toktok long mi tasol mi laik bekim, mi bekim long narakain tok ples.

Taim tupela i go bek long ples, olgeta man i bung na harim man ya i wokim nupela tok ples. Nau wanpela lapun i tok, Lakito, yu mas lusim mipela na yu go long nara-pela hap na wokim nupela ples.

So nau long dispela taim nau ol man long Kalapu i save kolim ol man long Yamil olsem bikbrata. Long wanem em dispela ples we Lakito i go i stap na tok ples ol i kolim Tumakundi. Na tu ol Kalapu inap tok ples wantaim ol Yamil.


Nau tu graun bilong tupela ples i wanpela, tasol na tok ples em tupela Tumakundi na Bukikundi.

Noel J.
Arawa/Bougainville.




NAMASU

P.O. Box 615
LAE
Ring: 42.4200
Kampani bilong yumi



MACKEREL
NATURAL OIL SALT ADDED



SARDINES
NATURAL OIL SALT ADDED

NAMBawan TIN PIS

BAIM WANTOK

Sapos yu laik kisim WANTOK niuspepa i kam long yu stret olgeta wan wan wik bilong dispela yia, yu katim dispela tiket long sisis na salim i kam wantaim K8.00.

NEM BILONG YU:

ADRES BILONG YU:

Salim sek o mani oda inap long K8.00 wantaim dispela tiket i kam long:
**WANTOK
BOX 1982
BOROKO**

Sapos yu bilong wanpela skul o misin o grup na yu laik kisim moa olsem 10-pela WANTOK wantaim long olgeta wan wan wik, orait yu rait na askim mipela long spesel prais mipela i gat long man i baim planti WANTOK olsem.



WINMANI WETIM DISPELA PIPEL

Long ofis bilong Invesmen Koporesen i gat sampela winmani bilong yia 1975/1976 em sampela pipel i no bin kam kisim yet.

Daunbilo em i nem bilong ol dispela pipel na adres bilong ol bilong bipo. Sapos ol dispela pipel i bin go long narapela hap o i gat narapela adres, mipela i laik ol i mas rait long mipela long kisim dispela winmani bilong ol. Sapos sampela pren o wantok i save we ol dispela pipel i stap, ol i ken tok save long ol bai ol i rait long mipela .

NAMES

PREVIOUS ADDRESSES

MARAVA ARANA	United Church Kadiboko, P.O. Box 1964, Boroko.	HAINO MOIA	C/- P. Shi'i P.O. Box 7369, Boroko.
KAMBAIKIN AUP	P.O. Box 106, Wewak.	CHRISTAINE NAMITI	Rakunai Community School, P.O. Box 922, Rabaul.
KALAHUNDE BANAK	P.O. Box 295, Madang.	NICHOLAS OREK	Nake Village, Omutu, Madang.
TERIONG BAMAT	P.O. Box 862, Lae.	GANGO PAKALANGO	Komangowatta Village, Aseki Patrol Post, Morobe Province.
ALOYSIUS DOBUNABA	P.O. Box 61, Kundiawa.	GAMANIEL PIDIK	P.O. Box 1050, Tobol, East New Britain Province.
PHILIP DOD	P.O. Box 910, Madang.	YARMAI PENAU	No address.
ANTHONY AVA GAINA	Council Chambers Bundi, Madang.	OWOJEP PIVIG	Wasu Patrol Post, Kabwum, Morobe Province.
GIVI GEREE	No address.	DEMAS KONENIS	P.O. Box 1343, Rabaul.
JOHN V. GIYOPELA	Ipouli Community School, Private Mail Bag, Boroko.	FULIYUR SAKKTA	P.O. Box 87, Bulolo.
BERNARD GRAMA	Ela Motors, P.O. Box 91, Lae.	JOEL SAILAS	C.I.S., Bereina, Central Province.
KRANNY GUBUK	Department of Public Works, P.O. Box 221, Madang.	OAHAIVETA SARI	C/- Paku O. Sari, P.O. Box 793, Lae.
WATAE JAPERO	Plant Transport Authority, P.O. Box 455, Lae.	BANGITA SIKAM	Plant & Transport Authority, P.O. Box 2081, Konedobu.
MAKORI JIMMY	P.O. Box 130, Kimbe.	PIMAI SORA	University of Papua New Guinea, P.O. Box 4820, University.
JOHN KAMKUBONG	Catholic Mission Guma, Kokopo.	AGILO TAKAIJU	P.O. Box 134, Kundiawa, New Guinea Industries P/L.,
BUGI KANAYANG	Boana Village, P.O. Box 1301, Lae.	POGIO TAMIO	P.O. Box 91, Lae.
LIPO KAPILA	P.O. Box 91, Lae.	IVAN TANDAPE	P.O. Box 36, Mount Hagen.
BOGANA KAVA	P.O. Box 164, Port Moresby.	WASING TANDUMAGI	Commonwealth-New Guinea Timbers P.O. Box 93, Bulolo. Ltd.,
NUNGAT KAYONG	P.O. Box 93, Bulolo.	KARAU TAU	Ela Motors Ltd., P.O. Box 75, Port Moresby
ALFRED KOLIO	Vudal Agriculture College, Kerevat.	FRANK M. TEWARI	P.O. Box 36, Popondetta, Northern Province.
THOMAS KUMBU	New Guinea Industries P/L., P.O. Box 92, Lae.	TIKANIA CLUB	Togoro Village, Catholic Mission Tapo, Kokopo.
KWILANE	New Guinea Industries P/L., P.O. Box 92, Lae.	JOSEPH TOKURAI	P.O. Box 1193, Rabaul.
PIKO LAIA T/F DENSSION PIKO	P.O. Box 7, Kimbe.	TOOKY TUGOMA	Papuan Skyline, P.O. Box 1909, Boroko.
SANENGKA LUAPO	Bougainville Copper Ltd., Panguna.	KONI WEPIK	Ela Motors, P.O. Box 91, Lae.
PAVAJO LUNDRY	P.O. Box 73, Wewak.	ONLY YALIKAU	Police Station, Maprik.
GEORGE WAGATU	Commonwealth-New Guinea Timbers Ltd., P.O. Box 93, Lae.	KUSA YANKO	C/- Mr. Ben. Sozeri.
MAIVA FAMILY TRADE STORE	Rabiakini Settlement, P.O. Box 6590, Boroko	BOB YANDO	Commonwealth-New Guinea Timbers P.O. Box 163, Bulolo. Ltd.,
SIMON MAKAI	Talco Madang, P.O. Box 331, Madang.	YARNICH	New Guinea Industries Pty. Ltd., P.O. Box 90, Lae.
PETER MAKI	P.O. Box 16, Wewak, East Sepik Province.	AWE YONI & SIMBUA	P.O. Box 1616, Bulolo.
JOHN MANA	P.O. Box 1021, Boroko.		
GODFRIED WARIWAFIA	M.V. Ambush, P.O. Box 916, Rabaul.		
BOFENGNEC MEBALI	Vudal Agricultural College, Kerevat.		
WASEMBA MEPA	P.O. Box 863, Lae.		
BORA METIE	Government Fresh Food Market, Kone		

PLEASE WRITE TO:

THE MANAGING DIRECTOR,
INVESTMENT CORPORATION OF P.N.G.
P.O. Box 155,
PORT MORESBY

☆ PLANET ☆
Wanpela bisnisan i tok: i luk
olsem tambaran bilong ol
Longo i stap wantaim. Wanpela
waitman na wanpela blakskin
i tokim em....

Ol i rait long waitman wantaim
poroman blakskin. Nogut yumi
tupela i stap wantaim. Loka,
yu mas klia.

Nogat.
YU mas klia.

Loka, harim gut. Yumi
wantaim, bai ol man i
lukim mipela na toktok.
Mobeta yu go hait

Nogat, mi no go. Yu mas
go hait. Em tambaran bilong
mi. Nau yu laik stilim.

TALK & BARRY 5/25

CONT'D.

Mi go hait wantaim
dispela tambaran
inap sampala taim.
He.. Tasol mi wanpela
tasol i go.
Yu nogat.

Nogat.
Yu no go.

TALK & BARRY 5/28

Lusim
han, yu.

?!
Man i pundaun
antap long tambaran.

© King Features Syndicate, Inc., 1974. World rights reserved.

Mi tokim yu pinis, wanpela
man bilong lain Longo tasol
inap long holim....

TALK & BARRY 5/29

Tambaran i kilim em.
Mi mas ranawe kwiktaim.
Nogut ol i ting mi mekim.

TALK & BARRY 5/30

45

© King Features Syndicate, Inc., 1974. World rights reserved.

Taksi
taksi

TALK & BARRY 5/31

Mipela i lukim 20 hotel
tude pinis. Mi hop
mipela i painim tupela
hia dispela taim...

QUIRE HOTEL

CONT'D


Nogat, mipela i no
ken kolim nem
bilong ol pasindia
i stap hia. Em tambu.


Ol i save
yusim ol
trik nem.



Poto i soim Mista Peter Charles Kopunye, wanem tisa bilong lo long yunivesiti bilong Papua New Guinea, i stap long Amerika na i raun wantaim 12-pela arapela studen lida bilong ol kantri bilong Asia. Mista Kopunye i bin raun na i bin 12-pela biktaun bilong Amerika na bus na ol i we gavman na pipel long Amerika i save wok i ol lo.



Mista Kopunye i amamas long lukim olsem wanem pipel long Amerika i we bung wantaim na put i bikpela hevi long gavman, sapos ol i no laikim impela samting. Na em i bin tu olsem wanem ol nating i save pasim lek bilong ol bikpela kompani tumas. Na ol Amerika tu i gat dispela masin long ol tisa na studen i stadi lo long yunivesiti i save helpim nating ol man i no gat mani inap long go long kot. (USIS foto)









Long kantri Sri Lanka, san na win na
pekpek bilong ol bulmakau i wok wantaim
long kamapim lektrik pawa long ples.

Olsem na long
dispela piksa
san i lap na hos
na kau tu, long
gutpela wok bilong ol.



Salsi



TUPELA I SKEL